



Borgarráð

Svar við fyrirspurn áheyrnarfulltrúa Flokks fólksins um stöðu ráðningamála í leik- og grunnskólum í september 2020

Á fundi borgarráðs þann 17. september 2020 lagði áheyrnarfulltrúi Flokks fólksins fram svohljóðandi fyrirspurn um stöðu ráðningamála í leik- og grunnskólum í september 2020:

Hver er staða ráðningarmála í leik- og grunnskóla Reykjavíkurborgar?

Á hverju hausti hefur verið vandinn hjá skóla- og frístundasviði vegna þess að ekki hefur tekist að manna stöður í leik- og grunnskóla sem og frístundaheimili. Á þessu hausti var óráðið í all margar stöður. Flokkur fólksins óskar að fá upplýsingar um hver staðan sé nú þegar september er rúmlega hálfnaður?

Svar:

Við vinnslu þessarar fyrirspurnar var óskað eftir upplýsingum frá mannauðsstjóra skóla- og frístundasviðs sem leitaði upplýsinga hjá stjórnendum leikskóla og grunnskóla um stöðu í starfsmannamálum og eru þær í viðauka.

Nýjar upplýsingar hafa nú borist um stöðu mála, en hjálagt er minnisblað sem lagt var fram í skóla- og frístundaráði þann 12. janúar sl. með uppfærðum upplýsingum.

hjalagt: Minnisblað um stöðu ráðninga á skóla- og frístundasviði 7. janúar 2021. Lagt fyrir í skóla- og frístundaráði þann 12. janúar sl.

Lóa Birna Birgisdóttir

Viðauki

Efni: Staða ráðninga á skóla- og frístundasviði 8. október 2020

Þann 8. október 2020 var send fyrirspurn til stjórnenda leikskóla og grunnskóla á skóla- og frístundasviði um stöðu í starfsmannamálum. Svör bárust frá öllum.

Samkvæmt svörum stjórnenda er búið að ráða í 98,4% stöðugilda í leikskólum og 99,5% stöðugilda í grunnskólum.

Eftir á að ráða í 22,5 grunnstöðugildi á deildum, í sérkennslu og stjórnun í leikskólum. Að auki á eftir að ráða í samtals 13,2 stöðugildi vegna afleysinga er varða undirbúning, veikindaaflýsingar og önnur störf í leikskólum. Þau stöðugildi hafa ekki áhrif á inntöku barna, búið er að taka inn öll börn sem hafa fengið boð um pláss í leikskóla.

Í grunnskólum á eftir að ráða í 10,5 stöðugildi.

Ragnheiður E. Stefánsdóttir
mannauðsstjóri skóla- og frístundasviðs